

臨川先生文集

二

臨川先生文集卷第六

古詩

北客置酒

奉使道中寄育主山長老常坦

送李屯田守桂陽二首

送吳仲庶出守潭州

雜詠三首

即事三首

送鄭叔熊歸闕

寄二弟時往臨川

李氏沅江書堂

休假大佛寺

別謝師宰

解使事泊棠陰時三弟皆在京師二首

驂騑

寄朱氏妹

贈陳景初

贈張康

送程公闢守洪州

鳳凰山

夢中作

彭蠡

牛渚

東門

和王微之登高齋三首

北客置酒

紫衣操鼎置客前。巾幘稻飯隨梁饘。引刀取肉割啖客。銀盤擘臠甚與鮮。勞勤勸侑邀一飽。卷牲歸館觴更傳。山蔬野果雜飴蜜。獲脯豕腊加魚煎。酒酣衆史稍欲起。小胡捩耳爭留連。爲胡止飲且少安。一杯相屬非偶然。

奉使道中寄育玉山長老常坦

道人少賈海上游。海舶破散身沈浮。抱金滿篋人所寄。吹簟偶得還中州。羸身歸金不受報。祇取斗酒相獻酬。歡娛慈母終一世。脫棄妻子藏巖幽。蒼煙寥寥池水浸。白玉菡萏吹高秋。夜燃栢子煮山藥。憶此東望無時休。塞垣春枯積雪溜。沙磧盛怒黃雲愁。五更匹馬隨鴈起。想見鄮郭花今稠。百年夸奪終一丘。世上滿眼真悠悠。寄聲萬里心綢繆。莫道異趣無相求。

送李屯田守桂陽二首

泊船香爐峯。始與子相識。寄書邦江上。詒我峯下石。緣以湘水竹。攜持與南北。永懷故人歡。不願百金易。竹枯歸樵蘇。石爛棄沙礫。夷門得邂逅。綠髮皆半白。追思少時事。俛仰如一夕。老矣無所爲。空知念疇昔。常思一杯酒。要子相解釋。出門事紛紛。歸卧意還欲。聞當上溢水。持詔守嶺阨。方爲萬里別。執手先慘戚。茲游信浩蕩。山水多所得。爲我謝香爐。風塵每相憶。

二
蒼黃離家問南北中路思歸歸不得風濤何處不驚
人雨雪前村更欺客舊交旌旆此盤淵聖御名見我即令
兒解鞍荒山樂官歌舞拙提壺沽酒聊一歡行藏欲
語眉不展互歎別離心纏繆行年半百勞如此南畝
催耕未宜晚

送吳仲庶出守潭州

吳公治河南名出漢廷右高才有公孫相望千歲後
平明省門開吏接堂上肘指撫談笑閒靜若在林藪
連牆畫山水隱几詩千首浩然江湖思果得東南守
傳鼓上清湘旌旗蔽牛斗方今河南治復在荆人口
自古楚有材郵渌多美酒不知樽前客更得賈生否

雜詠三首

懷王自墮馬賈傳至死悲古人事一職豈敢苟然為
哭死非為生吾心良不欺滔滔聲利間絳灌亦何知

二

先生善鼓瑟齊國好吹竽操竽入齊人雅鄭亦復殊
豈不得祿賜歸卧自歛歔寥寥朱絲絃老矣誰與娛

三

商陽殺三人每輒不忍視亦云食君食報禮當如此
波瀾吹九州金石安得止永懷南山阿慷慨中夜起

即事三首

我起影亦起我留影逡巡我意不在影影長隨我身
交游義相好骨肉情相親如何有乖睽不得同苦辛

二

昏昏白日卧皎皎中夜愁明月入枕席涼風動衾裯
蟬相鳴悲上下無時休徒能感我耳顧爾安知秋

三

日月隨天旋疾遲與天謀寒暑自有常不顧萬物求
蟬游蔽朝夕蟪蛄疑春秋眇眇上古曆回環今幾周

送鄭叔熊歸闕

鄭子喜論兵魁然萬人敵嘗持一尺箠跨馬河南北
方今邊利害口手能講畫疑師穀城翁方略已自得
天兵卷甲老壯士不肉食低徊向詩書文字銳鐫刻
科名又齟齬棄置非人力黃塵彫劉裘逆旅同偪仄
秋風吹殘汗霰雪已驚客浩歌隨東舟別我無慘惻
闕生今好遊往往老妻息南孩子所慕天命豈終塞

寄二弟時往臨川

蕭條冬風高吹我冠上霜我行歲已寒悲汝道路長
持以此一作犬馬心千里不得將使汝身百憂辛苦冒
川梁青燈照詩書仰屋涕數行不有親戚思詎知遠
遊傷

李氏沅江書堂

沅江水有梁與晉沅田樹桑可藝蠶耕君於其間恥射
利獨岸清泚留朱甍詩書當前日開闔冠帶滿坐相
逢迎勉求高論出施設無以私智為公卿

休徵大佛寺

罷憊得休假衣冠倦趨翔挾書聊自娛解帶寺東廊

六龍高徘徊光景在我裳
冬屋稍暄暖病身更強健
從我有不思捨我有不忘
誰可與言携手此徜徉
城城吾所愛新居乃鄰牆
奇聲能來遊維用寫愁腸

別謝師宰

閩闔城西地如水雞鳴黃龍生波浪起窮年一馬望扶
桑東得省門身輒止簿書期會老紛紛邂逅論心喜
有君數日未多還捨我相看愁思亂於雲

解使事泊棠陰時三弟皆在京師二首

始吾泊棠陰三子不在舟今當捨之去三子還遠遊
茫然千里水今見荻花洲
俛仰換春冬紛紛空百憂
懷哉山川異往矣霰雪一桐登高一涕泗寄此寒江流

二

泊船棠陰下灘水清且淺回首望孤城浮雲一何緬
又留非吾意欲去猶遣
繚馳心故人側一望三四反
蕭蕭東堂竹異日留自心
偃無恩被南國疑此行當剪

驊騮

龍德不可係變化誰能謀一本無驊騮亦駿物卓犖
地上遊怒行追疾風勿心忽跨九州轍迹古所到山川
略能周鴻蒙無人梯之汎濟遶天浮巉巖拔青冥仙聖
所止留欲往輒不能親龍乃知羞

寄朱氏妹

昔來高郵居我始得朱子從容談笑間已足見奇偉
行尋坊陰田坐釣詎不下止歸來同食眠左右皆圖史
又視爾諸幼歡言亦多社當時獨張倩遠在廬山趾

沈君未言 名已習吾耳安知十來年乖隔非願始
相逢輒念遠悲吒多於喜今茲豈人力所念皆聚此
諸甥昔未有滿眼秀而美低徊吾親側亦足慰勞止
嗟予迫時恩一傳日千里尔舟亦已戒五兩翩然起
蕭蕭東南縣望爾何時已空知夢爲魚逆上西安水

贈陳君景初

吾嘗竒華佗腸胃真割剖神膏既傳之頃刻活殘朽
昔聞今則信絕伎世嘗有堂堂潁川士察脉極淵藪
珍丸起病瘠鱸蟲隨泄嘔學足四五年下針使之走
一言儻不合萬金莫可誘又復能賦詩往往吹瓊玖
卷紙誇速成語恠若神授名聲動京洛蹤跡晦良莠
相逢但長嘯遇飲輒掩口獨醒竟何如無乃寡俗偶
顧非避世翁疑是壁中叟安得斯人術付之經國手

贈張康

昔在歷陽時得子初江津手中紫團參一飲寬吾親
捨舟城南居杖履日相因百口代起伏呻呼聒比鄰
叩門或夜半屢費藥物珍欲報恨不得腸胃盤車輪
今逢又坎坷令子馳風塵顛倒車馬間起先冰雪晨
嗟我十五年得祿尚辭貧所讀漫累車豈能蘇一人
無求愧子義有施慙子仁逝將收桑榆邀子寂寞濱

送程公闢守洪州

畫船插幟搖秋光鳴鏡傳鼓水洋洋豫章太守吳郡
郎行指斗牛先過鄉鄉人出郭航酒漿魚鼈鱸魚炊
稻梁莢頭肥大菱腰長鷓鴣喧呼坐滿牀怪君三年

滯瞿塘又驅傳馬登太行。纓毛脫盡歸大梁。翻然出
走天南疆。九江左投貢與章。揚灞吹漂浩無旁。老蛟
戲水風助狂。盤渦忽圻千丈強。君聞此語悲慨慷。迎
吏乃前持一觴。鄱州歷選多雋良。鎮撫時有諸侯王。
拂天高閣朱鳥翔。西山蟠繞鱗鬣蒼。蒼下視城整真金
湯。雄樓傑屋鬱相望。中戶尚有千金藏。藻田種秔出
穰穰。沉檀珠犀雜萬商。大舟如山起牙檣。此一本無輸
瀉交廣。流荆揚。輕裾利屣列名倡。春風踴謠能斷腸。
平湖灣塢煙渺茫。樹石珍怪花草香。幽處往往聞笙
簧。地靈人秀古所臧。勝兵可使酒可嘗。十州將吏隨
低昂。談笑指麾回雨暘。非君才高力方剛。豈得跨有
此一方。無為聽客欲霓裳。使君謝吏趣治裝。我行樂
矣未渠央。

鳳凰山

驅馬信所適。落日望九州。青山滿天地。何往爲吾丘。
貧賤身祇辱。富貴道足羞。涉世諒如此。惜哉去無由。

夢中作

青門道北雲爲屋。大壚貯酒千萬斛。獨龍注雨如車
軸。不畏不售畏不續。

彭蠡

茫茫彭蠡蝨春無地。白浪春風濕天際。東西揆柂萬舟
回。千歲老蛟時出戲。少年輕事鎮南來。水怒如山帆
正開。中流蜿蜒見脊尾。觀者瞻墮子方咤。衣冠今日
龍山路。廟下沽酒山前住。老矣安能學飲飛。買田欲

棄江湖去

牛渚

歷陽之南有牛渚。一風微吹萬舟阻。華戎變蜀文百
川合爲大江神所躡。山盤水怒不得泄。到此乃有無
窮淵。朱衣乘車作官府。操制生殺非無權。陰靈秘怪
不欲露。燬犀得禍豈偶然。

東門

東門白下亭。摧甃蔓寒葩。淺沙杙素舸。一水宛秋蛇。
漁商數十室。門巷隱桑麻。翰林謫仙人。往歲酒姥家。
調笑此水上。能歌揚白花。楊花飛白雪。枝灑綠煙斜。
舞袖卷煙雪。綺裘明紫霞。風流翳蓬顆。故地使人嗟。
迢迢陌頭青。空復可藏鴉。

和王微之登高齋三首

寒雲沈屯白日埋。河漢蕩圻天如徒。衡門兼自限泥
潦。卧聽窸木鳴。相挨蕭辰忽掃纖。翳盡北嶺初出青
嵬嵬。微之新詩動我目。爛若火齊金盤堆。想携諸彦
眺平野。高論歷詆秦以來。觥船淋浪始快意。忽憶歸
雲胡爲哉。念君少壯輟游衍。發揮春秋名玉杯。書成
不得斷國論。但此空語傳八垓。登臨興罷因感觸。更
欲遠引追宗雷。君知富貴亦何有。詔譽未足償譏排。
風豪雨橫費調燮。坐使髮背爲黃台。留賓往往夜參
半。雖有罇俎無由開。江南佳麗并一日。况乃故園名
池臺。能招過客飲文字。山水又足供歡咍。剩留官屋
貯酒母。取醉不竭當如淮。

六朝人物隨煙埃。金輿王几安在哉。鍾山石城已寂
寞。祇見江水雲端來。百年故老有存者。尚憶世宗初
伐淮。魏王兵馬接踵出。旗纛千里相搪挨。當時謀臣
非不衆。上國拔取多陪臺。龍騰九天跨四海。欲阻一
水爲可哈。降王北歸樓殿圯。棄屋尚鎖殘金堆。神靈
變化自真主。將帥何力求公台。山川清明草木靜。天
地不復屯雲雷。使君登高訪古昔。傷此陳迹聊持杯。
因留嘉客坐披寫。郵渌笑語傾如篴。酒酣重惜功業
晚。老矣萬卷徒兼該。攢峯列壑動歸興。憂端落筆何
崔嵬。餘年無歡易感激。亦愧莊叟能安排。青燈明滅
照不寐。但把君詩闔且開。

千戈六代戰血埋。雙闕尚指山崔嵬。當時君臣但兒
戲。把酒空勸長星杯。臨春美女閉黃壤。玉枝自一作
苕繁繁如堆。後庭新聲散樵牧。興廢倏忽何其哀。咸陽
龍移九州圻。遺種變化呼風雷。蕭條中原碣無水。岷
強又此憑江淮。廣陵衣冠掃地去。穿築隴畝爲池臺。
吳儂傾家助經始。尺土不借秦人徒。珠犀磊落萬艘
入。金壁照耀千門開。建隆天飛跨兩海南。發交廣東
温台。中間業業地無幾。欲以割據誠難哉。靈旗指麾
盡貔虎。談笑力可南山排。樓船蔽川莫敢動。扶伏但
有謀臣來。百年滄洲自潮汐。事往不與波爭迴。黃雲
荒城失苑路。白草廢時空垣墉。使君新篇韻險絕。登

眺感悼隨啾哈嗟予愁憊氣已竭對壘每欲相劇挨
揮毫更想能一戰數窘乃見詩人才

臨川先生文集卷第六

臨川先生文集卷第七

古詩

董伯懿示裴晉公平淮右題名碑詩用其韻

和酬

用王微之韻和酬即事書懷

和仲求即席分題得庶字

出鞏縣

書任村馬鋪

葛蘊作巫山高愛其飄逸因亦作兩篇

西風

久雨

和王勝之雪霽借馬入省

和吳冲卿鷓鴣樹石屏

送李宣叔倅漳州

送裴如晦宰吳江

韓持國從富并州辟

寄吳冲卿

韓持國見訪

思王逢原

登景德塔

和劉貢甫燕集之作

寄王逢原

寄正之

思古

惜日

送裴如晦即席分題三首

董伯懿示裴晉公平淮右題名碑詩用其

韻和酬

元和伐蔡何危哉。朝廷百口無一諧。盜傷中丞偶不
死。利劍白日投天街。裏瘡入相議。軍旅國火一冉更。
檀槐上前慷慨語。發涕誓出按撫除。睽乖指馮光顏
戰。洄曲闕如怒。虎搏虺豺。慙能捕虜取。肝鬲護送密
乞完形骸。管兵夜半投死地。雪濕不敢燃薪。燕空城
堅子已可縛。中使尚作嘍兒哇。退之道此尤雋偉。當
鏤玉牒東燔柴。欲編詩書播後嗣。筆墨雖巧終類俳。
唐從天寶運中圯。廊廟往往非忠佳。諸侯縱橫代割
據。疆土豈得無離孤。德宗末年憊戰禍。一矢不試塵
蒙鞞。憲皇初起衆未信。意欲立掃除昏靈。追還清明
救薄蝕。屢勅主府拘窮蛙。王師傷夷征賊窟。千里亦
忘毫釐差。小夫偷安自非計。長者遠慮或可懷。
晉公忠且壯。時命適與功名偕。是非末世主成敗。烜
赫今古誰譏排。賢哉韋純議。北赦倉卒兩伐尤難皆。
重華聲明彌萬國。服苗于羽舞兩階。宣王側身內脩
政。常德立武能平淮。昔人經綸初若緩。欲棄此道非
吾儕。千秋事往蹤跡在。嶽石款記如湘崖。文嚴字麗
皆可喜。黃埃蔽沒蒼蘚埋。當時將佐盡豪傑。想此兵
檣陪祠齋。君曾西遷為拓本。濡麈割蜜親廟指。新篇
波瀾特浩蕩。把卷熟讀迷津涯。褒賢樂善自為美。當

挂廟壁爲詩牌

用王微之韻和酬即事書懷

秦惜逝者耄晉嘉良大休古人皆好樂哀此歲月道
嗟我抱愁毒殘年自羈囚但爲免得蹄非復天上鷗
雖知林塘美欲往輒回翰名園一散策笑語隨觥籌
探題遶梅花高詠接應劉宿雨洗荒漸寒蛟沈老湫
泓洄信畫舸歸路子城幽冬風不改綠忽見新陽浮
歡事去如夢嘉時念難留明發得君句謂將續前遊
語我飲倡樂不如詩獻酬淮洲秦鍾磬雅刺德不猶
文墨有真趣荒淫何足收來篇信時女窈窕衆所求
茲理儻可諧華簪爲君抽

和仲求即席分題得庶字

刀筆漫無營圖書紛不御平生携手人邂逅賞心處
名卿邵朱邑膚使超嚴助都官富篇章博士熟經據
豈特好微言又多知大慮從容故天幸侑儻盡人譽
千艘來交荆萬舸去揚豫良無此嘉客衣飲吾所庶
出鞏縣

昭陵落月煙霧昏篝火度谷行山根投鞭委轡涉數
村寤出鞏縣城東門向來宮闕不可見但有洛水流
渾渾

書任村馬鋪

兒童繫馬黃河曲近岸河流如可掬任村炊米朝食
魚日暮榮陽驛中宿投老經過身獨在當時洲渚今
平陸林表冥冥十數家仰視荒蹊但喬木冰盤羹美

客自知起看白水還東馳爾來百口皆年少歸與何人共此悲

葛蘊作巫山高愛其飄逸因亦作兩篇

巫山高十二峯上有往來飄忽之猿猴下有出沒淺澗之蛟龍中有倚薄縹緲之神宮神人處子冰雪容吸風飲露虛元中千歲寂寞無人逢邂逅乃與襄王通丹崖碧嶂深重重白月如日明房龔象牀玉几來自從錦屏翠幔金芙蓉陽臺美人多楚語祇有纖腰能楚舞爭吹鳳管鳴鼉鼓那知襄王夢時事但見朝朝暮暮長雲雨

二

巫山高偃薄江水之滔滔水於天下實至險山亦起伏為波濤其巔冥冥不可見崖岸斗絕悲猿猴赤楓青櫟生滿谷山鬼白日樵人遭窈窕陽臺彼神女朝朝暮暮能雲雨以雲為衣月為楮乘光服暗無留阻崑崙曾城道可取方丈蓬萊多伴侶塊獨守此嗟何求沉乃低徊夢中語

西風

少年不知秋喜聞西風生老大多感傷畏此
况乃捨親友抱病獨遠行中夜卧不周惻惻感
起視天正黑弱雲亂縱橫似有霰雪飄不復是
時節忽如此重今心
燦始著天無寸空白沫上岸吹魚龍義和推車出不

得河伯欲取山爲宮。城門晝開眠百賈。飢孫得糲夜
嘯翁老人慣事少。所怪看屋箕踞歌南風。

和王勝之雪霽借馬入省

泥水填馬不受轍。瓦雪得火猶藏溝。宿霧紛紛度城
闕。朔氣凜凜吹衣裘。窮閭閉門無一客。剝啄驚我有
前驕。強隨傳呼出屋去。臯息凍合鬚繆繆。投轡馬鬣
任歌側。欲出操筆手。還抽行思江南悲故事。溪谷冬
暖花常流。前年臘歸三見白。霽色嶺上斑斑留杖藜。
此時將邑子。登眺置酒身優游。豈如都城今日事。祇
恐一蹶爲親憂。因知田里駕款段。昔人豈即非良謀。
君家洛陽名實大。談笑枯槁回春柔。平生意氣故應
在白髮。未敢相尋求。從容退食想佳節。豈無歌聲相
獻酬。奈何亦作苦寒調。歎息朝夕無驂駟。超然遂有
江湖意。滿紙爲我書窮愁。相如正應居客右。子路且
莫棄桴浮。

和吳冲卿鷓鴣鳴樹石屏

寒林昏鷓鴣相與還。下有跂石蒼髯顏。曾於古圖見髣
髴。已怪刀筆非人間。君家石屏誰爲寫。古圖所傳無
似者。鷓鴣飛歷亂止且鳴。林葉慘慘風煙生。高齋日午
坐中見。意似落日空上行。君詩雄盛付君手。云此非
人乃天巧。嗟哉渾沌死。乾坤至造作萬物醜。妍巨細
各有理。問此誰主何其精。恢奇譎詭多可喜。人於其
間乃復雕鑿刻畫出智力。欲與造化追相傾。拙者婆
娑尚欲奮工者固已窮。夸矜吾觀鬼神獨與人意異。

雖有至巧無所爭。所以號山間。埋沒此寶。二萬歲不
爲見者驚。吾又以此知妙偉之作。不在百世後。造始
乃與元氣并。畫工粉墨非不好。歲久剝爛空留名。能
從太古到今日。獨此不朽由天成。世人尚奇輕貨力。
山珍海怪採掇今欲索。此屏後出爲君得。胡賈欲價
著不識。吾知金帛不足論。當與君詩兩相直。

送李宣叔倅漳州

關山到漳窮地與南越錯。山川鬱霧毒瘴癘。春冬作
荒茅篁竹間。蔽虧有城郭。居人特鮮少。市开宜蕭索。
野花開無時。蠻酒持可酌。窮年不用客。誰與分杯杓。
朝廷尚賢俊。磊砢充臺閣。君能喜節行。文藝又該博。
超然萬里去。識者爲不樂。予聞君子居。自可救民瘼。
苟能禦外物。得地無美惡。似聞最南方。北客今勿藥。
林麓換風氣。獸蛇凋毒蠱。如漳猶近州。氣冷又銷鏢。
珍足海物味。其厚不爲薄。章舉馬甲柱。固已輕羊酪。
蕉黃荔子丹。又勝楂梨酢。逢衣比多士。往往在丘壑。
從容與笑語。豈不慰寂寞。太守好觴詠。嘉賓應幕
想即有新詩。流傳至京洛。

送裴如晦宰吳江

霜一作澤與天香旁。臨無限情他時散。髮處最愛垂
虹亭飄然平生遊。捨我戴吳星。欲往獨不得。都門看
揚舲。到縣問疾苦。爲子求所經。當知耕牧地。往往芟
蕭青。三江斷其二。洛水何由寧。微子好古者。此歌尚

韓持國從富并州辭

韓侯冰玉人不可塵土雜官雖衆俊後名字久訶嗒
并州天下望撫士威愛愜千金棄不惜賓客常滿閣
遙聞餘風高爲子置一榻親交西門餞百馬驕雜選
子材宜用世談者爲鳴喑矧今名主人氣力足呵飲
推賢爲時輔勢若朽易拉會當薦還朝立子在闔閭
惜哉秣騏驥賦以升俞合咨子栖栖者氣象已摧塌
他年佐方州說將尚不納況於聲勢尊豈易取酬答
有如持寸莛未足感鞢鞞顧於山水間意願多所合
巨廬與韶石少小已嘗踴風遊會稽春雪宿天柱臘
淮湖江海上慣食蝦蟹蛤西南窮岷嶓東北盡濟漯
身雖未嘗歷魂夢已稠沓荆溪最所愛映燭多廟塔
溪果點丹漆溪花團繡卷扁舟信所過行不廢樽榼
一從捨之去霜雪行滿頷思之不能寐寤若蚤蝨嚼
方將築其濱畢景謝嗜嗜安能孤此意顛倒就衰頹
唯子余所嚮嗜好比鸚鵡何時歸相遇遊屐尚可蠟

寄吳冲卿

物變極萬殊心通纔一曲讀書謂已多撫事知不足
與君語承華念此非不夙恨無數頃田歸耕使成熟
當官拙自計易用忤流俗窮年走區區得謗大於屋
歸來汗省舍又繼故人躅相逢祇數步吏按常填目
女礎非無傷阻闕嗟何速孤危失所助把卷常恨獨
虛名終自誤謬恩何見覺清明有冲卿與美如晦叔
時謂當選升屈指尚五六揆才最不稱養寵寧無慮

殷勤故人書紙尾又見勗君雖好德言我目望忠告
易稱動不括傳論大明服進爲非成村罪惡不容贖
歲殘東風生陝樹塵鬢翅何緣一杯酒談笑相追逐

韓持國見訪

余生非匏瓜於世不無求弱力憚耕稼衣食當周流
起家始二十南北今白頭愁傷意已敗罷病恐難瘳
江湖把一節屢乞東南州治民豈吾能憫憐庶可偷
謬恩當徂冬黽勉始今秋豈敢事高寒茫然永本謀
撫心私自憐仰屋空歎嗷強騎黃飢馬欲語將誰投
賴此城下宅數蒙故人留攬衣坐中庭仰視白雲浮
白雲御西風一一向滄洲安得兩黃鵠跨之與雲遊

思王逢原

自吾失逢原觸事輒愁思豈獨爲故人撫心良自悲
我善孰相我孰知我六瑕疵我思誰能謀我語聽者誰
朝出一馬驅暝歸一馬馳驅不自得談笑強追隨
仰屋卧太息起行涕淋漓念子冢上土草莽已紛披
婉婉婦且少煢煢一女嫠高義動閭里尚聞致財貲
嗟我永冠朝略能具饘糜葬祭無所助哀顏亦何施
聞婦欲北返鼓子常望之寒汴已閉口此行又參差
又說當產子產子知何時賢者宜有後固當夢熊羆
天方不可恃我願適一仕茲我疲學更誤與世不相宜
宿昔心已許同岡結共不茨此事今已矣已矣尚誰知
渺渺江與潭茫茫山與陂安能以竊食終負故人期

登景德塔

放身千仞高。北望太行山。邑屋如螳冢。蔽虧塵霧間。
念此屋中人。當復幾人閑。雞鳴起四散。暮夜相與還。
物物各自我。誰爲賢與頑。賤氣即易凌。貴氣即難攀。
愧予心未齊。俛首一破顏。

和劉貢甫燕集之作

馮侯天馬壯不羈。韓侯白鷺下清池。劉侯羽翰秋欲
擊。吳侯葩萼春爭披。沈侯玉雪照人潔。蕭灑已見江
湖姿。唯子貌醜駭公等。自鏡亦正如蒙俱。忘形論交
喜有得。杯酒邂逅金良時。心親不復異新舊。便脫巾
履相諧嬉。空堂無塵小雨定。濃綠鬢水浮秋曦。高談
四坐掃炎熱。木末更送涼風吹。此歡不盡忽分散。明
月照屋空參差。平明餘清在心耳。洗我重得劉侯詩。
臨川集七

劉侯未見聞已熟。吾友稱誦多文辭。才高意大方用
世。自有豪俊相攀追。咨予後會恐不數。魂夢久向東
南馳。何時扁舟却顧我。還欲迎子遊山陂。

寄正逢原

北風吹雲埋九垓。草木零落空池臺。六龍避逃不敢
出地上。獨有寒崔嵬。披衣起行愁不愜。歸坐把卷闔
且開。永懷古人今已矣。感此近世何爲哉。申韓百家
熨火起。孔子大道寒於灰。儒衣紛紛欲滿地。無復氣
焰空煤。始力排異端誰助我。憶見夫子真竒材。梗枿
豫章。旣白日。祇要匠石聊穿裁。我方官拘不得往。子
有閑暇宜能來。晤言相與入聖處。一取萬古光芒迴。

寄正之

少時已感韓子詩。東西南北俱欲往。新年方覺此語悲。恨無羽翼超惚恍。肺肝欲絕形骸外。涕洟自落衣巾上。此憂難與世共知。憶子論心更惆悵。

思古

古之士方窮材行已去貴大臣公聽采左右不得蔽。或從蒿藜間入據廊廟勢小夫不敢望云我非其宗。朝遊雋者羞暮出逢者避所以後世愚人願高位。

惜日

白日照四方當在中天留春風地上行當與時周遊。和氣所披拂槁乾却濕柔愛欲傳萬物勢難停一州。棲棲孔子者惜日此之由不能使此邦利澤施諸侯。豈若駕以行使我遇者稠當時三千人齊宋楚陳州。小者傳吾粗大能傳與幽道散學以聖衆源乃常流。吾初如匏瓜彼亦孰知丘唯士欲自達窮通非外求。暨必相天子乃能經九疇行雖耻強勉閉戶非良謀。

送裴如晦即席分題三首

以黯然消竟惟別而已爲韻擬

而惟字韻作

飄然五湖長昨日國子師綠髮約略白青衫欲成緇。牽舟推河水去與山水期春風垂虹亭一杯湖上持。傲兀何賓客兩忘我與而能復記此飲詩成酒淋漓。

二

十月款水冰問君行何為行不顧斗米自與五湖期。平生湖上游幽事略能知此後君最樂窮年得游嬉。彩鯨抗波濤風作鱗之而鳴鼓上洞庭笑看紅橘垂。

漠漠大梁下黃沙吹酒

雲應憐故人愁回首一相思

三

邂逅君子堂一盃相與
平明蔡河風回首成差
磨刀鱸嚴冬宿昔少陵
南里松菊盛洞庭柑橘垂

便應取酩酊萬事不足惟
獨我漫浪者尚得行相追
還當捕鱸魚載酒與我期
文章為我唱不數陸與皮

臨川先生文集卷第七

臨川先生文集卷第八

古詩

兩馬齒俱壯

春從沙磧底

晨興望南山

結屋山澗曲

朝日一暴背

黃菊有至性

少狂喜文章

三戰敗不羞

少年見青春

白日不照物

草端無華滋

一日不再飯

秋枝如殘人

青青西門槐

天下不用車

山田久欲折

聖賢何常施

散髮一扁舟

道人北山來

今日非昨日

秋日不可見

騏驎在霜野

悲哉孔子沒

秋庭午吏散

秋日在梧桐

我欲往滄海

前日石上松

日出堂上飲

兩馬齒俱壯

兩馬齒俱壯自驕千里材生姿何軒軒或是龍之媒
一馬立長衢顧影方徘徊一馬裂銜轡奔嘶逸風雷
立豈飽芻豆戀棧常思迴奔豈欲野齧久羈羨駑駘
兩馬不同調各為世所猜問之不能言使我心悠哉
春從沙磧底

春從沙磧底轉上青天際
雷雷桑柘墟浮雲變姿媚
游人出暄暖鳥語辭陰翳
心知歸有日我亦無愁思
所嗟獨季子尚客江湖滋
萬里卜鳳凰飄飄何時至

晨興望南山

晨興望南山不見南山根
草樹露顛頂椶枝空復繁
銅瓶取井水已至尚餘溫
天風一吹拂的皜成瑱璠

結屋山澗曲

結屋山澗曲挂瓢秋樹顛
鳴不中律呂時時驚我眼
吾兒亦惡聒勦力事棄捐
止我為爾歌不如恣其然
狂風動地至萬竅各啾喧
一瓢雖易除豈在有無間
皦皦山下石泠泠手中弦
臨流寫所愛坐聽以窮年

朝日一暴背

朝日一暴背於然忘夜寒熙松煮澗水既食取琴彈
彈作南風歌歌罷坐長歎寤彼栖栖者遺世長擗難

黃菊有至性

團團城上日秋至少光輝積陰欲滔天況乃草木微
黃菊有至性孤芳犯群威采采霜露間亦足慰朝飢

少狂喜文章

少狂喜文章頗復好功名稍知古人心始欲老冠蟲耕
低徊但志食邂逅亦專城仰慙冥冥士俯愧擾擾氓
良夜未遽史青燈數寒更檢書置左右仰屋慨平生

三戰敗不羞

三戰敗不羞一官遷輒喜古人思慰親愧辱寧在己
於陵避兄食織履仰妻子恩義有相權察身非至理

少年見青春

少年見青春萬物皆嫵媚身雖不飲酒樂與賓客醉
一從鬢上白百不見可喜心腸非故時更覺日月駛
聞歡已倦往得飽還思睡春歸只如夢不復悲憔悴
寄言少年子努力作春事亦勿怪衰翁衰強自然異

白日不照物

白日不照物浮雲在寥廓風濤吹黃昏屋瓦更紛泊
行觀察河上負土私力弱隨堤散萬家亂若春風箔
仍聞決數道且用寬城郭婦子夜號呼西南漫爲壑

草端無華滋

草端無華滋陰氣已盤固暄妍却如春歲晚曾不寤
一裘可以暖貧士終難豫忽忽法逐枝空寒蟲欲坏戶

一日不再飯

一日不再飯飯已八九眠忽忽返照間頽羸不可遷
筋骸微纏束肺腑鼎鑪煎長往理不惜高堂思所幸

秋枝如殘人

秋枝如殘人顏色先憔悴微寒吹已空性命一何脆
寧當記疇昔葩葉相嫵媚歲行誰使然好殺豈天意

青青西門槐

人情甘阿諛我獨倦請謁尤於權門疎萬事亦已拙
平生江湖期夢寐不可過青青西門槐少解馬上喝
天下不用車

天下不用車人人乘馬馳王良雖善御攬轡欲從誰
漢武伐大宛殺人若京坻孝文却走馬獨行先安之

萬物命在天

四

萬物命在天取舍各有時陰陽更用事冬暖豈所宜
卞氏強獻玉兩刖亦已癡幸終遇良工已剖得不疑

山田父欲拆

山田父欲拆秋至尚求雨婦人喜秋涼踏車多笑語
翔雲卷衆水慘淡吹平楚橫陂與直塹疑即沒洲渚
霍霍反照中散絲魚幾縷鴻蒙不可問旦往知何往
歆眠露下舸側見星月吐龍骨已嘔啞田家真作苦

聖賢何常施

聖賢何常施所遇有伸屈曲士守一隅欲以濟萬物
喪非不欲富言爲南宮出世無子有子誰敢救其失

散髮一扁舟

散髮一扁舟夜長眠屢起秋水瀉明河迢迢藕花底

愛此露的皦復冷雲綺塵
無與歌絃幽獨亦可喜

道人北山來

道人北山來問松我東園
奉手指屋脊云今如此長
開田故歲收穫果今年嘗
告叟去復來耘鋤尚康強
死狐正首丘遊子思故鄉
嗟我行老矣墳墓安可忘

今日非昨日

今日非昨日昨日已可思
明日異今日如何能勿悲
當門五六樹上有蟬鳴
枝朝聽尚壯急暮聞已衰
遲仰看青青葉亦復少華
滋萬物同一氣固知當爾為
我友南山居笑談解人頤
分我秋栢實問言歸何時
衣冠污窮塵苟得猶苦飢
低徊歲已晚恐負平生期

秋日不可見

秋日不可見林端但餘黃
杖藜思平野俛仰畏無光
栗栗澗谷風吹我衣與裳
娟娟空山月照我冠上霜

騏驎在霜野

騏驎在霜野低徊向衰草
入樞聞秋風悲鳴思長道
黃金作鞭轡粲粲空外好
人生貴得意不必恨枯槁

悲哉孔子沒

悲哉孔子沒千歲無麒麟
蚩蚩盡鉏商此物誰能珍
漢武得一角燔烹誣鬼神
吏以鑄黃金傳夸後世人

秋庭午吏散

秋庭午吏散予亦歸息偃
豈無嘉賓客欲往心獨懶
北窻古人篇一讀三四反
悲哉不蚤計失道行晚晚

秋日在梧桐

秋日在梧桐轉陰如急轂冥冥蔽中庭下視不可暴
高蟬不復噓稍得寒鷓宿百遶有裘翁行歌待春綠

我欲往滄海

我欲往滄海客來自河源手探囊中膠救此千載渾
我語客欲爾當還治崑崙歎息謝不能相看涕飈盆
客止我且往濯髮扶桑根春風吹我舟萬里空目存

前日石上松

前日石上松斲移沙水際青青折釵股俯映幽人砌
蟠根今鬯茂落子還蒼翠三年一楮葉世事真期貴

日出堂上飲

日出堂上飲日西未云休主人笑而歌客子歎以悵
指此堂上柱始生在巖幽雨露飽所滋凌雲亦千秋
所託願求久何言值君收乃令卑濕地百蟻上窮鏤
丹青空外好鎮壓已堪憂爲君重去之不使一蟻留
蟻力雖云小能生萬蚍蜉又能高其礎不爾繼者稠
語客且勿然百年等浮漚爲客當酌酒何豫主人謀

臨川先生文集卷第八

臨川先生文集卷第九

古詩

孔子

揚雄二首

漢文帝

秦始皇

韓信

叔孫通

東方朔

揚劉

臧倉

田單

戴不勝

陸忠州

開元行

相送行效張籍

陰漫漫行

一日歸行

汴水

陰山畫虎圖

杜南畫像

吳長文新得顏公壞碑

荅揚州劉原甫

寄鄂州張使君

送元厚之待制知福州

悼四明杜醇

哭梅聖俞

遊章義寺

飯祈澤寺

答瑞新十遠

送文學士倅邛州

送宋中道通判洛州

送張公儀宰安豐

送陳諤

送孫長倩歸輝州

送喬執中秀才歸高郵

雲山詩送正之

孔子

聖人道大能亦博。學者所得皆秋毫。雖傳古未有。孔子蟻蟻何足知。天高淵壘魁武叔。不量力。欲撓一草。搖蟠桃。顏回已自不可測。至死鑽仰忘身勞。

揚雄二首

子雲游天祿華藻。銳初學。覃思晚有得。晦顯無適莫。寥寥鄒魯後。於此歸先覺。豈嘗知符命。何苦自投閣。長安諸愚儒。操行自為薄。謗嘲出異已。傳載因疏略。孟軻勸伐燕。伊尹干說亳。叩馬觸兵鋒。食牛要祿爵。少知羞不為。況彼皆卓犖。史官蔽多聞。自古喜穿鑿。

二

子雲平生人莫知。知者乃獨稱其辭。今直一雲者皆
是得子雲心。亦無幾。聖賢獨立自有師。人知不知無
以為俗人賤。今常貴古子雲。今存誰汝數。

漢文帝

輕刑死人眾。喪短生者偷。仁孝自此薄。哀哉不能謀。
露臺惜百金。灞陵無高丘。淺恩施一時。長患被九州。

秦始皇

天方獵中原。狐兔在所憎。傷哉六孛王。當此鷲鳥膺。
搏取已掃地。翰飛尚憑凌。遊將跨蓬萊。以海為丘陵。
勒石頌功德。群臣助驕矜。舉世不讀易。但以刑名稱。
蚩蚩彼少子。何用辨堅冰。

韓信

韓信寄食常歎然。邂逅漂母能哀憐。當時噲等何由
任。但有淮陰惡少年。誰道蕭曹刀筆吏。從容一語知
人意。壇上平明大將旗。舉軍盡驚王不疑。拔兵半楚
灘半沙。一作搏兵擊楚灘半沙從初龍且聞信怯。鴻溝天下已橫分。談
笑重來卷楚氛。但以怯名終得羽。誰為孔費兩將軍。

叔孫通

先生秦博士。秦禮頗能熟。量主欲有為。兩生皆不欲。
章具一王儀。羣豪果知蕭。黃金既偏賜。短衣亦已續。
儒術自此凋。何為反初服。

東方朔

平原狂先生。隱翳世上塵。材多不可數。射覆亦絕倫。
談辭最談性。發口如有神。以此得親幸。賜子頗不貧。

金玉本光瑩浮沙豈能堙時時一悟主驚動漢庭目不肯下兒童敢言詆平津何知夷與惠空復忤時人

楊劉

人各有是非犯時為患害唯詩以諷諫言者得無悔汾王昔監謗變雅今尚載末俗忌諱繁此理寧復在南山詠種豆議法過四罪玄都戲桃花母子受顛沛疑似已如此况欲諄諄誨事變故不同楊劉可為戒

臧倉

位在萬乘師孟軻猶不遇豈云貧與賤世道非吾趣意行天下福事忤由然去命也固有在臧倉汝何與

田單

潛王萬乘齊走死區區燕田單一即墨掃敵如風旋舞鳥恠不測騰牛怒無前飄飄樂毅去磊砢功名傳掘葬與劓降論乃愧儒先深誠可奮士王蠲豈非賢

戴不勝

昔在宋王所皆非薛居州區區一不勝辛苦亦何求懷祿詎有恥知命乃無憂此士自可憐能復識此不

陸忠州

虞人以士招御者與射比當時尚羞為况乃天下士英英陸忠州學問輔明智低徊得坎珂勲業終不遂

開元行

君不聞開元盛天子糾合雋傑披茲猖幾年辛苦補四海始得完好無疽瘡一朝寄託誰家子威福顛倒那復理那知赤子徧愁毒祇見狂胡倉卒起茫茫孤

行西萬里。偏仄歸來。竟憂死。子孫險不失。故物社稷。陵夷從此始。由來犬羊。著冠坐廟堂。安得四鄙無豺狼。

相送行效張籍

一車南。一車北。身世忽忽俱有役。憶昔論心兩綢繆。那知相送不得留。但聞馬嘶覺已遠。欲望應須上前坂。秋風忽起吹泥塵。雙目空回不見人。

陰漫漫行

愁雲怒風相追逐。青山滅沒滄江覆。少留燈火就空床。更聽波濤圍野屋。憶昨踏雪度長安。夜宿木瘤還苦寒。誰云當春便妍暖。十日八九陰漫漫。

一日歸行

賤貧奔走食與衣。百日奔走一日歸。平生歡意苦不盡。正欲老大相因依。空房蕭瑟施總帷。青燈半夜哭聲稀。音容想像今何處。地下相逢果是非。

汴水

汴水無情日夜流。不肯爲我少淹留。相逢故人昨夜去。不知今日到何州。州州人物不相似。處處蟬鳴令客愁。可憐南北意不就。二十起家今白頭。

陰山畫虎圖

陰山健兒鞭韃急。走勢能追北風及。逶迤一虎出馬前。白羽橫穿更人立。回旗倒戟四邊動。抽矢當前放蹄入。爪牙蹭蹬不得施。磧上流丹看來濕。胡天朔漠殺氣高。煙雲萬里埋弓刀。穹廬無工可貌此。漢使自

解丹青包堂上。綉素開欲裂。一見猶能動毛髮。低徊使我思古人。此地擄兵走戎羯。禽逃獸遁亦蕭然。豈若封疆今晏眠。契丹弋獵漢耕作。飛將自老南山邊。還能射虎隨少年。

杜甫畫像

吾觀少陵詩。爲與元氣侔。力能排天幹。九地壯顏毅。色不可求。浩蕩八極中。生物豈不稠。醜妍巨細千萬殊。音莫見。以何雕鏤。惜哉命之窮。顛倒不見收。青衫老更斥。餓走半九州。瘦妻僵前子。仆後攘攘盜賊森。戈矛吟哦當此時。不廢朝廷憂。常願天子聖。大臣各悼屈。止一身。嗟時之人死。所羞所以見公畫。再拜涕泗流。惟公之心古亦少。願起公死從之游。

吳長文新得顏公壞碑

魯公之書既絕倫。歲久更爲時所珍。荒壇壞冢朽崖屋。剝落風雨埋煨塵。斷碑數尺誰所得。點畫入紙字如新。延陵公子好事者。拓取持寄情相親。六書篆籀數變改。訓詁後世多失真。誰初妄鑿妍與醜。坐使學士勞骸筋。堂堂魯公勇且仁。出遇世難親經綸。揮毫卓犖又驚俗。豈亦以此誇常民。但疑技巧有天得不必強。勉方通神。詩歌甘棠美召伯。愛惜蔽芾由恩人。時危忠誼常恨少。寶此勿復令埋堙。

答揚州劉原甫

同君古風
更欲報善贊

少食苦不足。一官聊自謀。爲生晚更拙。懷祿尚逢留。

黽勉誰有補強顏。包蒙羞謂我古人風。知君以相優
君實高世才。主恩正綢繆。寄矣哀此民。華簪寧易投。

寄鄂州張使君

昔人寧飲建業水。共道不食武昌魚。公來建業每自
如。亦復不厭武昌居。武昌山川今可想。綠水逶迤煙
莽蒼。白鷗晴飛隨兩漿。岸蓼茸茸映魚網。投老留連
陌上塵。思公一語何由往。

送元厚之待制知福州

海隅山谷間。人物最多處。平旦息相吹。連城黯如霧。
闔王舊宮室。丹漆美無度。今爲大帥府。千里來赴懇。
元侯文章翁。更以吏能著。我我中天閣。鳴玉新改步。
銜詔出梨嶺。方爲遠人慕。旌旗滿流水。冠蓋東門駐。
四坐共咨嗟。疑侯不當去。張仲稱孝友。樊侯正求助。
名城雖云樂。行矣未宜遽。

悼四明杜醇

杜生四五十。孝友稱鄉里。隱約不外求。耕桑有妻子。
藜杖牧鷄豚。筠筒釣魴鯉。歲時沽酒歸。亦不乏。昔昔
天涯一杯飯。夙昔相逢喜。談辭足詩書。篇詠又清泚。
都城問越客。安否常在耳。日月未渠央。如何棄予死。
古風久凋零。好學少爲已。悲哉四明山。此士今已矣。

哭梅聖俞

詩行於世先。春秋國風變。衰始栢舟。文辭感激多。所
憂律呂尚。可諧鳴球。先王澤竭。士已偷。紛紛作者始
可羞。其聲與節急。以浮真人當。天施再流篤。生梅公

應時求頌歌文武功業優經音緯麗散九州衆皆少
銳老則不翁獨辛苦不能休惜無采者人名道貴人
憐公青兩眸吹噓可使高岑樓坐令隱約不見收空
能乞錢助饋餽疑此有物司諸幽樓樓孔孟葬魯舞
後始卓犖稱軻丘聖賢與命相楮矛勢欲強達誠無
由詩人況又多窮愁李杜亦不爲公侯公規窮阨以
身投坎軻坐老當誰尤吁嗟豈即非善謀虎豹雖死
皮終留飄然載喪下陰溝粉書軸幅懸無旒高堂重
望哀白頭東望使我商聲謳

遊章義寺

九日章義寺倦遊因解鑣拂榻寄午夢起尋北山樾
岑蔚鳥絕迹悲鳴唯一蠲歡言與僧期於此共筆彘
斲松八九根窓壁具一朝伏檻何所見蒼蒼圍寂寥
巖谷寒更靜水泉清不搖安得有車馬尚無漁與樵
神茂真觀復心明衆塵消陰嶺有嘉客儻來不須招

飯祈澤寺

鴛言東南遊午飯投僧館山白梅藥長林黃柳芽短
簞簪沙際來略約桑間斷春映一川明雪消千壑漫
魚隨竹影浮鳥誤人聲散翫物豈能留千時吾自懶

答瑞新十遠

遠水悠然碧遠山天際蒼中有山水人寄我十遠章
我時在高樓徒倚觀八荒亦復有遠意千載不相忘

送文學士倅印州

出治蜀蜀士始文章司馬鳴成都嗣音得玉揚

策策漢守孫千秋起相望操筆賦上林脫巾選為郎
擁書天祿閣竒字校偏傍忽乘駟馬車牛酒過故鄉
時平無喻檄不訪碧雞祥問君行何為閔隴正繁霜
中和助宣布循吏綴前芳豈特為親榮區區夸一方

送宋中道倅洛州

漳水不灌鄴不知幾何時後世有史起乃能為可為
余嘗憐洛民鬲鹵半不治頗覺漳可引但為談者嗤
高議不同俗功成人始思夫子到官日勿忘吾此詩

送張公儀宰安豐

楚客來時鴈為伴歸期祇待春冰泮鴈飛南北三兩
回回首湖山空夢亂祕書一官聊自慰安豐百里誰
復歎揚鞭去去及芳時壽酒千觴花爛熳

送陳諤

有司昔者患不公翻名騰書今故密論才相若子獨
棄外物有命真難必鄉閭孝友莫如子我願卜隣非
一日朱門弈弈行多慚歸矣無為惡蓬華

送孫長倩歸輝州

溪澗得雨潦奔溢不可航江海收百川浩浩誰能量
溪澗之日短江海之日長願生畜道德江海以自方

送喬執中秀才歸高郵

薄飯牛不羨空瀝夜無炭室小寥日避席烈烈風欺慢
謂子勿惡此何為向子歎長年客塵沙無婦助親爨
寒暄慰白首我弟纔將冠言迴歲又晚想見淮湖漫
古人一日養小以三公換田園在勦力且欲歸鋤灌

行矣子誠然光陰土宜翫負米力有餘能無讀書伴

雲山詩正之

雲山參差碧相圍。溪水詰曲帶城陴。溪窮壤斷至者
誰。子獨與子相諧。熙山城之西。鼓吹悲。水風蕭蕭不
蒲旗。子今去。此來無時。子有不可。誰子規。

臨川先生文集卷第九

臨川先生文集卷第十

古詩

和甫如京師微之置酒

別孫莘老

寄丁中允寶臣

示平甫弟

憶北山送勝上人

相國寺啓同天竺道場行香院觀戲者

馬上轉韻

乙巳九月登治城作

過劉貢甫

估王

信都公家白兔

車螯二首

與平甫同賦槐

甘棠梨

獨山梅花

同昌叔賦鴈奴

老樹

賦棗得燭字

飛鴈

寓言九首

舟中讀書

和王樂道讀進士試卷

自訟

彼狂

衆人

和甫如京師微之晉酒

季子將北征，貂裘解亭臯。使君擁鳴騶，出餞載酒膠。
作詩寵行色，坐客多賢豪。信知大夫才，能賦在登高。
陟地憂未已，強歌反哀號。問言歸何時，遠此冬風饒。
川塗良阻脩，筆纒慎所操。黃屋初啓聖，萬靈歸一陶。
詢謀及踈賤，拔取皆時髦。往矣果有合，可辭州縣勞。

別孫華老

逢原未熟我，已與子相知。自吾得逢原，知子更不疑。
把手湖上舟，望子欲歸時。茫然乃分散，獨背東南馳。
寥寥西城居，邂逅與子期。鷄鳴入省門，朱墨來紛披。
含意不自得，強顏聊爾爲。會合常在夜，青燈照書詩。
往往並衾語，至明不言疲。忽忽捨我去，使我當從誰。
送子不出門，我身方羈縻。我心得自如，今與子相隨。
隨子至湖上，逢原所嘗嬉。想見荷葉盡，北風卷寒漪。
已懷今日愁，更念昔日悲。相逢亦何有，但有鏡中絲。

寄丁中允

人生九州間，泛泛水中木。漂浮隨風波，邂逅得相觸。
始我與夫子，得官同一州。相逢皆偶然，情義乃綢繆。
我於人事疎，而子久已修。磨礱以成我，德大不可磨。
乖離今六年，念子未嘗休。豈不道相逢，但得頃刻留。
歡喜不滿顏，長年抱離憂。古人有所思，千里駕車牛。

如何咫尺間而不與子遊。顧惜五斗米無辜自拘囚。
念彼羸落者。心顏兩慙羞。剡山碧嶽。剡水日夜流。
山行苦無蠟。水淺亦可舟。使君子所善。來檄自可求。
何時子來意。待子南山頭。

示平甫弟

汴渠西受崑崙水。五月奔湍射黃矢。高淮夜入忽倒
流。碕岸相看欲生紫。萬檣如山屹不動。嗟我仲子行
亦止。自聞留連且一月。每得問評猶千里。老工取河
天上落。伏礫遭沙卷無底。土橋立馬望城東。數日知
有相逢喜。牆隅返照媚槐榭。池面過雨蘇篁葦。欣然
把手相與閑。所願此時無一詭。豈無他憂能老我。付
與天地從今始。閉門爲謝載酒人。外慕紛紛吾已矣。

憶北山送勝上人

蒼藤翠木江南山。激激流水兩山間。山高水深魚鳥
樂。車馬跡絕人長閑。雲埋樵聲隔葱蒨。月弄釣影臨
潺湲。黃塵滿眼衣可濯。夢寐惆悵何時還。

相國寺啓同天節道場行香院觀戲者

侏優戲場中。一貴復一賤。心知本自同。所以無欣怨。

馬上轉韻

三月楊花迷眼白。四月柳條空老碧。年光如水儘東
流。風物看看又到秋。人世百年能幾許。何須戚戚長
辛苦。富貴功名自有時。簞瓢捭茹亦山雌。

乙巳九月登冶城作

欲望鍾山岑。因知冶城路。躡躑隱木杪。稍記曾遊處。

紅沉渚上日蒼蒼。起榛中霧。即事有哀傷。山川自如故。

過劉貢甫

去年約子遊山陂。今者仍爲大梁客。天旋日月不少留。稱意人間寧易得。天明徑欲相就語。雲雪填城萬家白。冬風吹鬣馬更驕。一出何由問行迹。能言奇字世已少。終欲追攀豈辭劇。枕中鴻寶舊所傳。飲我寧辭酒。或索吾願與子同。醉醒顏狀雖殊。心不隔。故知今有可憐人。回首紛紛斗筲窄。

估玉

潼關西山占藍田。有氣鬱鬱高拄天。雄虹雌霓相結纏。晝夜不散非雲煙。秦人挾斤上其巔。視氣所出深鑿鑄。得物盈尺方且堅。以斤試叩聲冷然。持歸市上求百錢。人皆疑嗟莫愛憐。大梁老估聞不眠。操金喜取走踴躍。深藏牢包三十年。光怪隣里驚相傳。欲獻天子無由緣。朝廷昨日鍾鼓懸。呼工琢圭寘神筵。玉材細鎖不中權。賈孫抱物詔使前。紅羅複疊怕紫氈。發視紺碧光屬聯。詔問與價當幾千。衆工謦口無敢先。嗟我豈識真一作與全。

信都公家白兔

水晶爲宮玉爲田。姮娥縞衣洗朱鉛。官中老兔非日浴。天使潔白宜嬋娟。揚鬚弭足桂樹間。桂花如霜。司後前。赤鷄相望窺不得。空疑兩瞳射日丹。東西跳梁白長。火天畢橫施亦何有。憑光下視且罔繁。衣相紛紛漫回首。去年驚墮除山。出入墟莽猶無祥。奇毛

難非粟亦得千里今以窮歸君
君庭除嗟亦窘令子得為此免
滿險幽不可返
豐草長林且遊

車螯二首

車螯肉甚美由美得意燻殼以
子嘗憐其肉柔弱甘咀吞又嘗
醉客使一噉散投墻壁根寧能
為收拾持用評醫門

二

車螯肉之弱恃殼保厥身自非
尚恐獨者得泥沙常埋埋往往
維海錯萬物口牙且咀吞爾無
無為久自苦含匿不暴陳豁然
清波躍其汗白日曬其昏死生

與平甫同賦槐

冰雪泊楚岸萬株同飄零春風
歲行如車輪蔭翳忽滿庭秋子
在眼何時動江幹

甘棠梨

甘棠詩所歌自足誇眾果愛其
園夫盛採摘市賈爭包裹車輪
朝分不知數暮在知幾顆但使
主人捐千金飢留四坐柑禪與
都城紛華地內熱易生火問客
留此時燭煩孰如我

獨山梅花

獨山梅花何所似半開半謝荆
木忠士顛顛守高蓬
帶寒日漠漠遠香隨

野風移栽不得根。欲老回首上林顏色空。

同昌叔賦鴈奴

鴈鴈無定棲。隨陽以南北。嗟哉此爲奴。至性能懇惻。人將伺其殆。奴輒告之。亟舉群寤。而飛機巧無所得。夜或以火取奴。鳴火因匿。頻驚莫我補。顧謂奴不直。嗷嗷身百憂。泯泯衆一息。相隨入繒緤。豈不聽者惑。偷安與受給。自古有亡國。君看鴈奴篇。禍福甚明白。

老樹

去年北風吹瓦裂。墻頭老樹凍欲折。蒼葉蔽屈忽扶。踈野禽從此相與居。禽鳴無時不可數。雌雄各自應。律呂。我林撥書當午眠。能驚我眠。聒我語。古詩鳥鳴山更幽。我念不若鳴聲收。但憂此物一朝去。狂風還來欺老樹。

賦棗得燭字

種桃昔所傳。種棗子所欲。在實爲羨果。論材又良木。餘甘入鄰家。尚得曉婦逐。況余秋盤中。快取饜饍足。風包墮朱繒。日顆皺紅玉。贊享古已然。幽詩自宜錄。紆懷青齋間。萬樹蔭平陸。誰云食之臣。匿知乃成俗。廣庭觴聖壽。以此參肴藪。願比赤心投。皇明儻予燭。

飛鴈

鴈飛冥冥時。下泊稻梁雖少。江湖樂人生。何必慕輕肥。辛苦將身到沙漠。漢時蘇武與張騫。萬里生還值偶然。丈夫許國當如此。男子辭親亦可憐。

寓言九首

說說古之士出必見禮樂群游與群飲仁義待揚推
心疲歌舞荒耳聒米鹽濁所以後世賢絕俗乃為學

二

不得君子居而與小人游疵瑕不相摩况乃禍譽稱
高語不敢出鄙辭強顏酌始云避世患自覺日已偷
知其一齊人以萬楚人咻云復學齊言定復不可求
仁義多在野欲從苦淹留不悲道難行所悲累身修

三

周公歌七月耕稼乃王術宣王追祖宗考牧與宮室
甘棠能聽訟召伯聖人匹後生論常高於世復何實

四

婚喪款不供賃錢免爾繁耕收孰不給傾粟助之生
物贏我收之物窘出使管後世不務此區區控兼并

五

正觀業萬世經營豈非艱其子一擡之宗廟能幾禪
開基始聰明一青奔西山功高後野易德薄人存難

六

言失於頃臾百世不可除行失几席間惡名滿八區
百年養不足一日毀有餘諄彼恥不仁戒哉惟厥初

七

鐘鼓非樂本本末猶相因仁聲入人深孟子言之醇
如何正觀君後古同隋陳風俗不粹美惜哉世無臣

遊鯨厭海濁出戲清江湄風濤助翻騰網罟不敢覓

夫其洲渚間鱗鱗乘其機物大苦易窮一窮無所歸

九

猛虎卧草間群鳥從乘之萬物忌強梁獨以其私
虎終幾械得鳥亦彈丸隨山雞不忤物默與鳳凰期

舟中讀書

冉冉木葉下蕭蕭山水秋浮雲帶田野落日抱汀洲
歸臥無與語出門何所求未能忘感慨聊以古人謀

和王樂道讀進士試卷

文章始隋唐進取歸一律安知鴻都事竟用程人物
變今嗟未能於已空自出流波亦已漫高輪常見屈
故令儼儼士往往棄堯舜皇陶叙九德固有知人術
聖世欲爾為徐觀異人出

自訟

八卷川集十

孔子見南子子路為不怡欲從公山氏勃鬱見色辭
道如天之蒼萬物不能緇弟子尚不信况余乏才資
明知古人仁語默各有時苟出不自慎果為聽者疑
白圭尚有磨駟馬猶能退一言成不智雖悔欲何為

彼狂

上古杳默無人聲日月不忒山川平人與鳥獸相隨
行祖孫一死十百生萬物不給乃相兵伏羲畫法作
後程漁虫獵獸覓群爭勢不得已當經營非以示世
為聰明方分類別物有名考賢尚功列耻榮盡偽日
巧雕元精至言一出衆林驚上智閉匿不敢成因時
就俗救則黷惜哉彼狂以文鳴強取色樂要聲音震

蕩

沈濁於無清。詖詭徒亂聖人。氓豈若泯默死。齷齪

衆人

衆人紛紛何足競。是非吾喜非吾病。頌聲交作豈
賢四國流言且猶聖。唯聖人能輕重。人不能銖兩爲
千鈞。乃知輕重不在彼。要之美惡由吾身。

臨川先生文集卷第十

